

[Augsburg], 8. Dezember 1555

An Johannes Oporinus

UB Basel, Fr. Gr. I 11, fol. 191r.
Steinmann Nr. 685.

S. P. D. Cum iam literas scribis herilib[us] per occasionem ad te mittendas datus essem, aliae tuae praeter expectationem afferuntur, quibus et de τῶν γραμματοφόρων negligentia quereris, et propositum meum probas, additio voto, vt constanter id tenere queam non sine augurio quodam. Nam interea eae mihi occupationes, sed cum spe aliqua maioris praemioli, sunt impositae, quae me per omnem aetatem, vt arbitror, a scribendo remorabuntur, nec mei iuris esse, aut indulgere genio, hoc est, meo modo versari in literis vnquam patientur. Itaque et gnomologias ad Panegyricum vsque perductas, abieci, et annotationes vnā cum Vlpiano valere iubeo, nisi 3 conditiones mihi propositae, nec dum confirmatae, sint inanes futurae, id quod fieri potest, et non semel mihi accidit. Tum verò ἀκράαντα φέρων τετλητόι θυμῷ institutum persequar, vel ea de causa, vt fortunae ludificationes vmboram pro re subinde mihi ostentantis, vel obliuiscar vel vlciscar contemptis eius aduersationibus. De Proclo bene est. περὶ τοῦ ἀνωνύμου ἔχηγητοῦ nihil scribis. Verum si latinum Proclum excuderis velim illum latinum etiam adiungi, dissimulato etiam latini interpretis nomine, idqū te ab Henrico Petri facilem impetraturum arbitror. Est ille quidem nugacitate Vlpiano ferè par, sed habet nonnulla quae Cardanus non habet, queqū cognouisse operaeprecium fuerit. Verum haec arbitratu vestro curabitis. Mihi enim isthic neque seritur neque metitur, nisi quod nihil esse negligendum arbitror in literis τὸ καὶ κατὰ μικρὸν ἡμᾶς ὥφειλεῖν δυάμενον. Alioqui ne Proclum quidem magni aestimarem, qui in ipso limine operis παραφρονῆσαι μᾶλλον δοκεῖ ἢ παραφράσαι τὸν Πτολεμαῖον. D. Segerouicio plurimam salutem opto, qui si quid dedicaturus est Augustanis, monendus erit, ne id faciat ἀγνοούντων τῶν προσφωνηθησομένων, ne pro sperata gratia paratam inueniat offensam. Literae vtriusque vestrum curatae sunt. Illyrici literas nan conclusas ideo a te putaui vt a me legerentur. Scito igitur, neque literas neque paginas illas ad me peruenisse. Burtenbachium tamen curasse puto, a quo tuae mihi redditae fuerunt. Vale. 8 Decembr[is] 1555.

Hiero[nymus] Wolfius
T[uus].